

籌辦夷務始末

籌辦夷務始末卷之五十五

咸豐十年庚申六月戊寅。

欽差大臣科爾沁親王僧格林沁直隸總督恆福奏竊等。於本月十四日。承准軍機大臣密寄。六月十三日奉

上諭。俄夷播弄是非。亟應乘勢離間。以破奸謀等因。欽此。等語。遵

訓示相機辦理。至夷船十餘隻。停泊北塘。並近日夷情。已於本月十三日。恭摺馳奏在案。十三日自辰至申。陸續駛來夷船。約有一百數十隻。均在攔江沙外停泊。距海口不過三四十里。礮臺瞭望。甚為真切。是津沽之防。萬分喫緊。各營步

隊馬兵分守。原不為厚。所持者。營壘布置嚴密。濠塹數道。堪能抵禦。馬隊三千餘名。分割營城大沽及海河二道西岸地方。若該夷分股同時併進。非但馬隊不敵。抵敵即步隊防守營壘。亦覺單薄。海口為咽喉重地。天津為

京師屏障。均為緊要之區。自當填之又填。連日據山東坐探報稱。煙臺人馬槍礮。多已上船開行。所存無多。不准有人窺探。似係空營等語。其為全數前來大沽。已可概見。事已緊迫。不及恭候。

批。撥。牙。僧。格。林。沁。業。經。劉。飭。克。興。阿。將。熱。河。密。雲。官。兵。各。五。百。名。八。旗。漢。軍。官。兵。八。百。名。直。隸。提。標。官。兵。二。千。名。留。於。津。郡。

又運司崇厚統帶協同兵勇防守其餘馬步官兵全數前
來大沽海口分駐兩岸並經劃行增慶派撥馬隊五百名
令蘇克津管帶星夜前往蘆臺駐劄以資堵禦再查大沽
遶南二百里之大口河係山東地方道光二十一年牙傳
格林沁曾往查看現又復經派員履勘該處雖係金河上
哨舟楫不通但平日商船進口可行六十里至汪子莊地
方若自汪子莊登岸至羊兒莊係屬赴津大道設使天津
有警

京師必致震動是此路之防較之青縣尤關緊要亟應豫籌
馬隊以備臨時截擊且羊兒莊一帶地勢平坦馬隊馳騁

最為得力。海口夷船雖到百餘隻。現堆晝夜施放大礮。其
意不過希圖威嚇。此外尚無動靜。究不知囉囉二酋曾否
到來。此時未便派員前往查探。該夷船隻既多。聲勢必大。
而其志必驕。若即派員前往。該夷更生輕侮之心。前派營
弁赴味夷大船。曾有一南省人。向該弁聲稱。吳佛兩夷之
意。總須先戰後和。自係該夷等平日素有此議論。查上年
夷船甫經到來。即有舢板近岸。投遞照會。此次夷船已到
多日。毫無信息。足見該夷驕滿之極。此時斷非言語所能
理喻。仍應鎮靜以待。或味夷照會前來。即當乘機轉圜十
三日。努恒福派千總馮恩福。送給味夷食物。因風浪不順。

尚未回營。

諭軍機大臣等。僧格林沁。恆福奏。夷船連檣而至。津沽防守契重。一摺。夷船一百數十隻。均在攔江沙外停泊。距海口不過三四十里。僧格林沁調派馬步官兵。分別各路。並於遲子莊地方。豫籌馬隊。以備臨時截擊。布置諒已周密。上年喫夷敗至大沽海口。毀我防具。經僧格林沁督兵轟擊。大獲勝仗。該夷未必不心存畏忌。此次復調集兵船。聲言水陸並進。意圖報復。實則以兵脅和。勞崇光。薛煥。均探該夷有議和之意。味夷又欲從中調處。是喫佛兩首不主戰。已可概見。今該夷船隻。既在攔江沙外停泊。不可遲延多日。即著恆福。派委委員。詢其來意。並先行照會。

該督。今其照味國之例。少帶從人。由北塘進京換約。如該夷等。給與該督照覆。雖詞氣傲慢。而其欲和之意。若微露端倪。該督即可乘此機會。反覆開導。令其漸就範圍。若謂先給照會。即示之以弱。不知上年該夷挫敗。其辱已甚。此次先行委員給與照會。佛味照會。正見中國寬大。並非畏懼求和。朕思僧格林沁海口布置。雖已周密。聲威亦為該夷所畏。原不難使該夷再受痛懲。惟念決裂之後。從此兵連禍結。迄無了期。雖圖快於目前。而遺患於將來。又何忍沿海居民。遭其荼毒。恆福身任地方。尤當仰體朕心。不可因海口設防嚴密。仍存先戰後和之意。該督於接奉此旨。總須以撫局為要。不得畏難自阻。致負委任。所有如何。

照會該省之處。即著恆福妥籌。進行辦理。不可稍存成見。有誤大局。

乙卯。

欽差大臣科爾沁親王僧格林沁。直隸總督恆福奏。本月十五日。承准軍機大臣密寄。奉奉

諭旨。荷蒙

訓示。等敬謹聆悉。相機辦理。十五日。千總馮恩福回營稟稱。送味夷食物。該夷全行收領。回送。等恆福洋酒二箱。該夷聲稱。喫佛二夷。即欲占踞北塘。抄襲大沽後路。此外並無言語。是日未刻。礮臺瞭望。見有夷船三十餘隻。懸掛紅旗。煙

氣沖空。乘潮駛至北塘河口。旋有夷人馬匹登岸。占踞村莊。查上年原令該夷赴北塘會面。該夷堅執不肯前往。本年船隻甫經駛至。即向北塘河口停泊。是其有心占踞北塘。已可概見。李等早經剴飭該管地方官。飭令該管居民。即為遣使。見在多已搬移。僅有零星小戶。該夷既經登岸。占踞村莊。或戰或和。難以豫定。李等業經飭派馬隊。還為屯紮。俟該夷結隊前進。或直撲大沽。或竟犯津郡。總俟離北塘較遠。再為截剿。不得先行迎擊。使該夷有所藉口。至該夷占踞村莊。意在以兵脅和。亦未可知。一有可乘之機。李恆福即派員前往。問其來意。若該夷能照味夷之例。少

帶從人進京換約。李等惟有謹遵迭次

諭旨。妥為辦理。僅該夷欲坐輪進京。並多帶從人。李等雖婉辭阻
攔。該夷堅執不從。亦係起釁之端。李等自當設法理諭。以
期消患弭兵。現今千總馮恩福。送給味夷照覆。應俟回營。
味夷有無照會。再行馳奏外。謹將李恆福給味夷照覆鈔

錄恭呈

御覽。再本月十三日。李儋格林。劉調克。與額帶兵來防。該據稟
稱。已於本月十四日。由青縣啟程赴津。現又劉催星夜前
來。以資防守。

諭軍機大臣等。昨因夷船在攔江沙外。諭令恆福先行照會該酋。

令其少帶從人來京換約。本日據僧格林沁等奏。夷船三十餘隻。駛至北塘河口。夷人登岸。占踞村莊。恆福現已照會味酋。轉約。喚佛二裏。進京換約。所辦尚為妥善。惟當接味酋照會時。即應立時照覆。今喚佛既已在北塘登岸。始行照覆味酋。已屬落後一著。僅味酋不為即達喚佛。必至立起釁端。著恆福即趕緊分擬照會。徑行給與喚佛兩酋。其喚佛照會。不必提上年打仗之事。但告以汝等此次即到北塘。足見真心和好。有意換約而來。如願照味國之例。進京換約。必代為轉奏。俟奉旨允准。即可由此北上。佛國照會內。告以上年爾國並未助喚國打仗。大皇帝深為嘉獎。此次來至北塘換約。更可永敦和好。如此分別照

會。看其如何答覆。迅即馳奏。如該夷願照味國之例進京。其坐
轎及少帶從人之處。即在此內。不必專意提及。僅該夷必欲坐
轎進京。亦不必過於阻止。但告以只可在城外坐轎。不必以此
小節致誤大局。以後照會。務須心平氣和。以禮相接。不必稍露
用武之意。致該夷難以轉圜。是為至要。至大沽後路及天津郡
城。著僧格林沁。仍嚴密防範。毋稍大意。

給味。利。堅。照。覆。

為照覆事。照得本月二十日。接到貴大臣照會。內稱貴大
臣奉貴國之命。俟暎佛兩國抵北河洋面之時。將兩國不
和之處。妥為調處等語。足見貴國篤念舊好。特令貴大臣

遠道而來。從中調處。深承美意。查上年暎國既係來換約。何以又帶兵船而來。首先開礮。毀我防具。以致有傷和好。我國

大皇帝寬仁厚德。原不欲用武。恐於兩國兵民有損。且於通商貿易之處。更屬無益。今暎佛兩國之船。來集海上。或戰或和。未知其意。如意在主戰。我國惟有整兵以待。儻意在議和。又承貴大臣為之說合。自必平情論事。無所偏倚。北塘現已撤防。既請代為轉達。按照貴國上年之例。進京換約。並請轉約暎佛二國公使。即日進口。擇地面商一切。為此照覆。須至照覆者。

山東巡撫文煜奏。竊臣昨將委員督辦團練。並募勇設防。及臣駐劄韓亭。相機籌備緣由。恭摺具奏後。旋據委員董步雲稟稱。六月初三日。該夷李通事。向巡檢嚴國初稱說。所有踴躍奇山所一片麥禾。速即開單。以便按畝賠償。所搶商船六十餘隻貨物。准其卸岸。速傳店鋪作保等語。臣查該夷前有六月初間水陸並進之說。嗣果於初五初六等日。兩次裝載夷船十隻。向西行駛。經臣一面奏

聞。一面咨會

欽差大臣親王僧格林沁。豫為準備。並即劄飭武寧。利津。海豐。各文武。統帶兵勇團練。嚴密防範在案。茲該夷復有賠償田

禾價值保卸商船貨物之語。其意似將陸續開行。惟由何
路行走。殊難懸揣。正在飭探間。復據董步雲密稟。以據嚴
國初暗中探詢李通事。究由何處起旱。李通事隱約其詞。
似係徑由水路赴天津。已改從前由利津起旱之意。又據
臣派往利津偵探差弁稟稱。利津海口。並無夷船遊奕。沿
海州縣民團。亦各辦理整齊。互相保衛等語。臣思夷情謁
詐。語難信實。即使前兩起船隻。不由利津行走。難保不聲
東指西。觀我無備。隨後乘間竄入。現在利津一路。業已設
防。萬不敢稍涉疏忽。連日又據各文武員弁稟報。初四日
申刻。自東洋駛來火輪船一隻。由碇磯島南洋往西駛去。

初七日。煙臺夷人。將營帳席棚拆去一百餘座。同前到之牛驛器物。裝入船內。夷人與廣東人先後上船。約共九千有餘。初八日未刻。又有東南大洋駛來火輪船一隻。帶有搶來商船三隻。駛入煙臺海口。與昨日已裝人馬。尚未開行各船。一處停泊。初九日。自東北駛來火輪船一隻。至大竹山島南洋。又折回往東駛去。未刻。煙臺口內。前已裝載器物之夷船三隻。輪船十九隻。陸續開行出口。由西北大洋駛去。並將前搶商船帶去。復將該夷前搭浮橋拆卸。新造之船內一隻。於本日裝火輪船下海。即將人馬器物上船。現在煙臺口內。共泊夷輪等船二十隻。各等情。臣思該

夷折去帳棚。搬取器物。陸續上船。約有九千餘人。其勢實
甚猖獗。既已分起北駛。必由水路前赴天津。竊料天津大
沽海口。防堵極嚴。夷船未必便能近岸。但該夷以煙臺為
巢穴。尚有留住船隻。誠恐挫敗之後。歸途懷忿。不免擾及
山東沿海各口。臣現嚴飭濱海各州縣。將團成民練。勤加
操演。復委委員前往天津坐探。一得夷人消息。立即飛速
稟聞。必須先事豫防。庶可有備無患。

硃批。知道了。

文煜又奏。臣前奉

諭旨。委員董步雲等。業已折回煙臺。該撫仍當飭令實力向夷人

開導。以弭兵端等因。欽此。臣遵即飛咨該委員等。設法剴切曉諭。茲據董步雲稟稱。遵即會同登州中營遊擊劉鳳祥。候補遊擊定順。馳抵煙臺。先遣巡檢嚴國初。往見該夷孟大將軍。說青州府董某等有要言相商。必欲一見孟酋云。有何事相商。無非到此探我軍情。嚴國初告以實非為此。以前月彼此晤談。二將軍有絕不騷擾百姓一語。迄今一月果然言而有信。且欲奉勸息兵安民。貴國約雖未換和好自在。茲因喫夷聲言打仗。天津防範甚嚴。貴國仍為喫國所愚。必然喫虧。致傷和好。此是董某等私意。並非奉要而來。將軍如願商量。不妨向董某告知。屬其轉稟巡撫代奏。

我

大皇帝聖量涵容。必然破格施恩。孟酋云。此去不必一定打仗。總約到天津。只要轉過臉來。即刻就要上船。不便請見等語。並據探得該夷所謂三將軍者。仍住煙臺山上。稟報前來。臣思該夷孟酋。雖不願見委員。而嚴國初一番對答。已將聖意宣傳。據該酋云。此去不必一定打仗。只要轉過臉來。是其懾我兵威之意。業已情見乎詞。惟現既裝載兵馬。分起開船。北駛。實屬詭譎多端。仍飭在事文武各官。率同團練。加意備防。

硃批知道了。

庚辰。

盛京將軍王明泰。竊。前因金州夷船。聲勢較重。本省兵力。無多。必須藉資團練。請。

敕府尹景霖。親督辦理。並各城盤獲奸細等情。由驛奏報在案。茲。於六月十一日。奉到。

硃批。知道了。拏獲奸細。除應訊明分別辦理者。自應解省研鞫。以。重人命。若直供不諱。受夷指使。偵探虛實者。即就地駢誅。欽此。同日承軍機大臣密寄。六月初五日。奉。

上諭。本日據王明泰。續陳金州夷務情形等因。欽此。欽遵。即飛咨。府尹景霖。速赴蓋州。將南路各城民團。勸官紳實力舉行。

所有旗堡團練。即由營會同該府尹認真督辦。其備調官兵。擬即全數調出。查省南通中之地。惟青石嶺熊岳二處。傳金州陸路。徑越復州。直奔省城。必由之路。最為扼要。且距金稍遠。俾該夷不知底細。若令逼近。致生疑忌。現派副都統銜楊領常傑。統帶馬隊五百名。馳赴熊岳駐劄。並派協領尚安。統帶步隊兵一百名。在青石嶺一帶駐劄。消息相通。聲勢聯絡。各於要隘嚴密設伏。以期有備。近接金州副都統。並旗民地方官咨報。青泥窪大孤山等處。自五月底至六月初間。續到輪夷船二十六隻。陸續駛出外洋者二十一隻。現在各口停泊。實有輪夷船一百三十五隻。其

大小孤山青泥窪大魚溝等處岸上所搭帳房布棚以及
所卸馬匹槍礮器械現經該夷全行撤去搬運上船住勝
大孤山帳房二百餘架馬一百餘匹等情復據差弁探得
該夷因不服水土人馬傷廢甚多且聞添兵練勇恐我來
隙攻勦現將岸上帳房器械全行撤去夷人俱已回船居
住其大孤山等處輪夷船隻連日向青泥窪口外挪移較
遠亦多有駛出外洋者不復演陣操兵肆行無忌等語
查該夷人馬漸已收撤回船難保非會齊赴津逞其兇悍
況夷情叵測尤宜加意籌防妥為布置水路則設溝營田
莊臺與內河一水相通最為喫緊現飭牛海旗民地方官

督同本處紳商將沒溝營鋪圍二千。勤加習練。藉資抵禦。並飭田莊臺兩岸三營將弁。操演槍礮。晝夜巡防。其各城旗民團練。俟景霖到防時。與茶會同趕緊勸辦。務使各處村屯旗民。連為一氣。與陸路設防官兵。互相輔而行。以壯軍威。而資抵禦。水路衝要。現已節節設防。所拏奸細。廣匪。應即會飭旗民委員。悉心研鞠。俾無枉縱。審訊得實。遵

旨即行正法。一面仍飭各該地方官。實力查拏。務期盡絕根株。以清內患。

諭軍機大臣等。至明奏查探金州夷情一摺。據稱大小孤山青泥窪。大魚溝等處岸上。夷人所搭帳房。及馬匹器械。逐漸收撤回

船駛出外洋。難保非會齊赴津等語。連日據僧格林沁等奏報。夷船一百餘隻。駛至大沽海口。攔江沙外。近復有夷船三十餘隻。由北塘登岸。盤踞村莊。自係由奉天山東一帶。連牆而至。疊次諭令僧格林沁嚴密防範。並諭恆福先行派員詢其來意。並照會英佛兩國。令其照味國之例。進京換約。如該夷藉此轉圜。即可不煩兵力。惟此時戰撫之局。尚在未定。設該夷復至金州等處。該將軍仍當不動聲色。密為防備。不可貪功挑釁。致誤撫局。如該夷結隊深入。有滋擾情形。方可相機堵截。亦須作為百姓不容。不可露出官兵打仗。使該夷無所藉口。前諭玉明會同景霖辦理旗民團練。該府尹諒已早抵蓋州。著即迅速舉行。以

資捍衛。是為至要。

欽差大臣科爾沁親王僧格林沁直隸總督恆福奏。本月十七日卯刻。千總馮恩福回營。持有味夷照會。其意似已無法辦理。並向該弁聲稱。北塘現有廣匪五千名。黑夷三千名。即欲抄襲大沽礮臺後路。卯刻探差稟報。北塘夷人出隊。約有數千名。並人拉馬駕車礮數位。直向唐兒沽營壘攻撲。旁等在礮臺瞭望。該夷槍礮連環絡繹不絕。當經德興阿帶同侍衛明安。卓明阿。托倫布。德成。佐領舒通額。參將常善保。帶吉林。黑龍江。哲里木盟。昭烏達盟。歸化城馬隊官兵。迎頭抵禦。至午刻。該夷始行回村。我兵受傷三名。受傷

馬數匹。馬步夷匪均有傷斃。此日之戰。因該夷結隊出村。十里以外。意圖攻撲營壘。不得不整隊抵禦。該夷既已回村。才等仍擬給與咪夷照會。令其轉致唎咈二夷。弭兵和好。惟既經接仗以後。詞句之間。未便再事軟款。謹將咪夷照會並才恆福復又給與咪夷照會鈔錄恭呈

御覽

諭軍機大臣等。僧格林沁等奏。咪夷照會內稱。唎咈兩國。即欲交。并旋有夷匪結隊出村。意圖撲犯一摺。咪夷照會恆福。有業已無法之語。是該國不能從中調處。該督仍給與照會。令其轉致唎咈兩夷。弭兵和好。措詞頗為得體。惟咪夷既有推諉之意。自

應徑行照會。喚佛兩首。示以中國寬大。或可稍知悔悟。此次該夷出村撲犯。業將擊退。在我給與照會。並非示之以弱。逆涉求和。在該夷懾我兵威。心存顧忌。正可乘此據理曉諭。使之知感。知懼。著恆福仍遵前旨。迅速分別照會。喚佛兩首。令其照味夷之例。進京換約。並須心平氣和。如此次照會。味夷措詞不激不隨。曲為開導。但不必提及打仗。使該夷無可轉圜。僧格林沁調度有方。不患不獲勝仗。所慮該夷敗後。揚帆遠遁。不但各海口地方不能安靖。即大沽之防。不能遽撤。夷務迄無了期。究非萬全之策。前降諭旨。已極詳備。諒該大臣等。必能仰體朕心也。

味喇噉照覆。

為照覆事。現據貴部堂本月十七日來文。閱悉。

貴國與英佛兩國。現在不幸。所有不平之端。其曲直是非。本大臣不能與貴部堂評論。緣本國與

貴國素日和好。與英佛兩國亦無少異。僅能將各紛爭之事。妥為調停。豈不欣然樂為乎。奈實係不能。今惟有按照貴部堂所請。將來意轉達兩國而已。相應照覆。須至照覆者。給味喇啞照覆。

為再行照覆事。照得本月十七日。接到貴大臣照覆。內稱。英佛兩國爭持之處。此時業已無法。可請兩國公使照來文辦理。只恐未接茲文之前。兩國已先交仗等語。本督部

堂潮查八年之役。喫國傷我將士。毀我礮臺。兵船駛至天津。

大皇帝愛惜津郡數十萬民生。深懷大德。不拘小信。是以喫國任意要挾。暫如所請。惟定擬條約。亦應彼此相商。方為定準。豈有倚仗兵威。挾制之理。至於九年。既是換約。只須用船一二隻前來。何須帶領兵船士卒如許之多。我國於喫佛兩國船到之時。先與照會。囑赴北塘換約。乃並不答覆。遽然蜂擁海口。先行開礮。被時計我國兵力。不及喫國十分之一。而水陸均能獲勝者。實因喫國欺我太甚。以致喫國自取挫失。而我國

大皇帝寬仁大度。仍

欽派大臣前赴上海。辦理通商。以全舊好。是我國之不欲用武。想各國皆能盡悉我。

大皇帝廣大懷柔之意。昨聞英佛兩國到來。我國即將北塘防兵撤退。以為登岸議和地步。不料來至海口數日。並不照會我國。忽於十五日水陸並進。率眾登岸。占踞北塘村莊。居民惶恐。十六日。遂行用兵列陣。我國未肯即行前去迎戰。十七日。彼軍又復對陣開礮。我國不得不為抵禦。然仍飭帶兵各官。只許迎敵。未許進攻。仰體

大皇帝寬容之意。欲敦舊好。惟是為戰為和。不能並用。若本意在

和。何須故意用兵。以為要挾之計。儘可約期相見。照貴國
上年之例。進京換約。實為省事。若暎佛兩國一定主戰。我
國水陸均有設備。現雖占我北塘。不難督兵攻擊。但恐暎
佛兩國再有損傷。此後難以和好。數日以來。我國之退讓。
留情。不為不至。貴大臣既係為好而來。將此意轉達暎佛
兩國。趁此時彼此均無損傷。收兵息事。仍照上年之例。進
京換約。以全和好。則各國商民均受其福。若貴大臣不為
轉達。而暎佛兩國亦未能操必勝之權。彼時再有損傷。恐
貴大臣難以對暎佛兩國。亦非與暎佛兩國真相好矣。茲
定於三日之內。暎佛兩國如無回信。我國惟有主戰而已。

且陸路用兵。非同水面。如英佛兩國。不知我軍容讓之意。仍復恃強。我國主將。自有調度。儻英佛兩國士卒。再經挫失。不但於和議一局。轉多窒礙。即英佛兩國公使。亦難於回國覆命也。相應再行照覆。須至照覆者。

壬午。

諭軍機大臣等。前據僧格林沁等奏。英匪由北塘結隊出村。意圖撲犯。經我軍擊退。當諭令恆福。分別照會英佛兩國。令其照味夷之例。進京換約。以冀夷情就範。茲據僧格林沁等奏。英人連檣而至。原屬意存巨測。不可不嚴為之防。僧格林沁。恐一意主撫。以致懈我軍心。所慮尚是。惟恆福身任地方。撫事責無旁貸。

且十七日之戰。既已擊斃夷匪五十餘名。以後該夷並無動靜。未必非候我給與照會。藉此轉圜。此機斷不可再失。總當遵奉。聖次諭旨。照會該夷。不可任令委員藉口風浪不順。畏葸不前。儻再貽誤事機。致令大局決裂。惟恆福是問。該督專辦撫局。務當心平氣和。妥速辦理。此時先行給與照會。並非求和。因去歲該夷既受懲創。今當先行照會。不但不為示之以弱。尤見中國寬大。並可看其如何舉動。是以屢降諭旨。令恆福遵辦。若一經開仗。則荼毒生靈。滋擾海口。儻仍不受撫。結怨愈深。後患終無了期。亦非萬全之策。該督總當仰體朕心。曲為開導。以顧大局。是為至要。若坐失機宜。該督不能當此重咎也。

署察哈爾都統慶昶奏竊查前奉

諭旨。張家口遠近一帶。現在有無俄夷居住。及夷眾若干。一併詳查具奏等因。欽此。等當即派員查辦。曾將擎獲關單並查明元寶溝地方情形。奏蒙

聖鑒在案。彼時由口內揀派委員。自東取路。劉飭頭臺參領。自西取路。令在草地二三百里內外。分途詳查去後。茲據駐防驍騎校興福。候補驍騎校多毓稟稱。查得草地蒙古游牧。安堵如常。一路行抵黑城子白城子等處。詳加履勘。並無俄夷隱匿形跡。詢訪附近蒙古。僉稱。去年六月。俄夷回國後。至今並未復來。游牧地方。亦無敢藏該夷之家。惟查得

白城子東南三四里間。有新石鑲嵌舊輓臺一座。高不及二尺。寬不及二尺。臺上四面分立石碣四塊。每碣高二尺餘。寬一尺餘。四碣均已傾倒破碎。碣文係分四體。鐫刻滿蒙漢俄羅斯字跡。因向牛羊羣牧中蒙古人濟里克札普詢問。據稱此處輓臺。原係遠年舊有。去年該夷換班來後。四圍添砌石牆。安設石碣。其內有無埋藏。從來無人知曉。復向詢及石碣。既係上年所立。何以均皆損壞。據稱上年五月間砌立後。六月即值雷雨連次。其後有牧放牲畜之人。即聞互相傳說。俄夷所立斷碣。均經破碎。至於如何損壞。實不知情。當將斷碣收拾一處。各就字跡擺對成文。其

內夷字一碣。約碎八九塊。滿蒙漢三碣。各有十數塊。就彼查勘情形。臺之對面南山高處。堆有廢瓶一座。係蒙古部落有關風水之件。今此四碣均經破碎。應係蒙古人慮傷風水。有意敲殘。謠諸雷雨之說。此外別無可疑。其碣皆係細石。並非本口所產。已將滿蒙漢碣各照鈔三紙。夷字碣文。因不能鈔。只得刷印呈報前來。又據參領達米林札普稟稱。遵到密派親信。在遠近地方一帶訪查。並無夷人蹤跡。惟聞今年自二三月以來。每見民人或三五人一起。或十數人一起。攜帶軍械。由民界中東西分走。其口音形跡。多似關南樸樸。竊劫盜犯。均未可知。附近蒙古卻無容留。

藏匿情事等語。呈報前來。案查前於五月間。據參領報稱。見有由臺行走騎馬賊匪四十餘人。每人身背烏槍。各佩刀矛。語音俱係關南之人。迨往查拏。已分東西兩路逃逸。呈請通飭一路兜拏時。當經通行各旗各營。張理。獨石。多倫。三廳。照會口北道。咨行綏遠城將軍。歸化城副都統。山西巡撫。一體飭屬兜拏。並於訪查元寶溝情形後。將委員路過可疑之人數起。復經專副張理廳查拏。並移咨直隸總督。各在案。詳載情形。近年盜案本多。又多起自吳金榜認墾地畝之內。緣前項地畝。周圍約廣百里。聞已結舍成村。且係招來無業。藏奸匿匪。勢所必然。茅雉當隨時密訪。

移咨地方大吏以期靖謐。謹將鈔來碣文三件另行恭錄。並刷碣文一併恭呈。

御覽

諭軍機大臣等。慶昫奏。查明口外現無俄夷潛匿情形一摺。口外地方。經慶昫派委驍騎校興福等。前往草地及黑城子、白城子等處。詳加履勘。並無俄夷藏匿形跡。附近蒙古亦稱俄夷去年六月回國後。至今並未復來。惟此後難保無該夷潛來寄跡。仍著該署都統隨時嚴密訪查。毋令在該處藏匿。至口外地方。遼闊盜匪每易潛蹤。既據該署都統訪有自二三月以來。盜匪多起。攜械由民界中東西分走之語。並有該參領呈報騎馬賊。

匪四十餘人。由臺行走之案。著該署都統即行嚴密查拏。務須迅速緝獲。毋令日久遠颺。其吳三即吳金榜一犯。仍著安速密拏。解京審辦。

癸未。

盛京將軍玉明奏。竊拏於六月十一日。接奉寄

諭。遵即調兵。擇要設伏。咨會府尹。舉行圍剿。並查探夷情。已將岸上人馬。帳房器械。收撤回船。恐其移權赴津。一面飛咨天津大營。豫作準備。於十三日。由驛奏報在案。旋准金州副都統。並旗民地方官咨報。紅土虜大孤山。青泥窪。大魚溝等處。停泊輪夷各船。連日陸續出口者。共有九十餘隻。俱

向西南洋面駛去。現在青泥窪大孤山二處。僅勝輪夷船
四十一隻。大孤山岸上。仍有帳房二百餘架等情。此報前
來。查青泥窪等處。輪夷各船。自五月底。至六月初旬。陸
續出口者。已有一百餘隻。均向西南大洋駛去。自係屬聚
津沽。欲作齊和之計。第夷情巨測。難保不去而復來。況大
孤山。青泥窪二處。尚有輪夷船四十餘隻。而岸上仍有帳
房二百餘架。該夷留此。或係聽候天津消息。藉以牽制我
兵。陰謀詭詐。反覆無常。尤應鎮靜嚴防。以觀其變。現經
飭令田莊臺兩岸三營。以及金州濱海口岸。一體加意巡
防。以期有備。

硃批知道了。

甲申。

欽差大臣科爾沁親王僧格林沁。奉哈爾都統西凌阿。直隸總督
恆福奏。竊。等。承准軍機大臣字寄。六月十八日。恭奉

上諭。一。道。努等。敬謹聆悉。查該夷十七日出隊退回之後。即有夷
船數隻。駛進北塘河口。距營城礮臺。僅止數里。先經。等。西
凌阿。將火攻木筏備齊。列於河內。該夷瞥見。即行回駛。匆
迫之際。擱淺輪船二隻。即有夷人多名。拖扛。乘潮駛去一
隻。仍有一隻。至今不能移動。十九日亥刻。等。西凌阿。據佐
領定安。防禦連喜。來營稟稱。是日午刻。擱淺船上。夷人二

名。由北塘北岸登岸。各執白旗一面。上寫免戰二字。另有
摺疊白布一塊。經定安等查問來意。並有無公文。據稱並
無公文。惟馬隊站列太近。恐被船上礮火傷損。致失和氣。
如彼此有派人來往之事。務須手執白旗。必不致損傷等
語。經定安等答稱。河內船隻。即當早些出口。你們占踞北
塘。該處逃出民人深為痛恨。屢要用大焚燒船隻。俱被總
督阻止。僅一時阻擋不住。致有損傷。反為不美。該夷無可
回答。即將摺疊白布。擲於地上。據稱留作往來之用。旋即
回船。定安等見摺疊白布上。有漢文字跡。回明。牙西凌阿。
送呈來營。二十日未刻。守備邱瑞祥。千總馮恩福。回營。持

有味夷照會。查閱來意。雖係推諉。仍允轉致。喚佛二夷。邱
瑞祥等。親該夷。令人鈔錄。分送各船。牙等。公同商酌。喚
夷既已送到白旗。雖不可恃。究係該夷先已自屈。擬即照
會該夷。定期會晤。此次照會。即派定安等。送赴該夷。擱淺
大船。如船上夷人。不敢擅收。即令派人同出海口。徑往額
爾船隻。至該夷。詭詐百出。其免戰二字。雖免非慢我軍心。
來我不備。俟隙撲擾。當經傳飭馬步各營。加意嚴防。不可
稍涉大意。謹將味夷照會鈔錄。及免戰白旗式樣。一併恭
呈

御覽。再克興阿。於十七日到防。所有馬步官兵。分撥營城及大沽

兩岸協同防守。

諭軍機大臣等。本日據僧格林沁等奏。英夷送來免戰白旗。擬即照會。令其定期會晤一摺。並將照會及旗式各件。鈔錄呈覽。覽奏俱悉。夷船於駛進北塘河口後。瞥見大攻木筏備齊。即匆迫回駛。以致輪船擱淺。其船上夷人二名。上岸各執白旗一面。上書免戰二字。另有摺疊白布一塊。據稱須留作往來之用。各等語。此即夷人先已自屈。顯有就我範圍之意。此機斷不可失。恆福所給英夷照會。深得大體。惟佛國亦有兵船在津。雖未答話。未便置之不理。亦須一律給與照會。不可專給英夷。致令有所藉口。日內該夷或有照會。或與該督晤面。務須迎機而導。不必

責備其去歲開仗之非。即可向該夷告以援照咪夷之例。減帶從人。由北塘進京換約。設或該夷另有條款。及格外要求。無論如何為難。臣福斷不必當面駁詰。亦不可故作刁難。惟當允其即為陳奏。若在北塘議和。稍不遂意。必有變更。總不如准其進京商議為妥。尤不可令該夷稍生疑慮。方能就我撫局。如願來京換約。即與該夷約定日期。迅速具奏。諒臣福必能仰體朕心。不避艱難。妥速辦理也。現在撫局尚未大定。僧格林沁仍當督飭馬步各營。加意嚴防。不可稍涉大意。

乙酉。署黑龍江將軍特普馨。齊齊哈爾副都統那敷德奏。竊查黑龍江城。自挑派餘丁屯防去後。夷情稍見安戢。前

據署副都統愛紳泰報稱。三月初五日。據海蘭泡夷目布色依文稱。因通商貨少酒多。夷人飲之多病致斃。請禁換酒。等當經飭覆。該署副都統乘機與約。並禁換一切貨物。藉以杜其接濟。該夷目始猶狡賴。繼恐禁其通商。乃具文答稱。因該處有遣犯嗜飲。暫請嚴禁換酒遣犯。該署副都統以該處遣犯換酒。商人無由識別。且因該夷人等常有赴城鄉行走之事。終恐其藉端狡賴。未便允其所請。復與之約。禁止換酒。必須並禁各物。並此後無事。不准夷人任意再赴城鄉遊玩。否則必須罷其交易。以免生疑滋事。該夷目始俱遵依。嗣據卡官報稱。上年開地夷人復來種

麥不但攔阻不聽。吏欲添開新荒。驅之不去。復派員往見布色。依責其無理違約。據布色依答稱不知。即當傳諭不准再往。嗣又行文及差通事前來面述。已將越界開墾之人喚回查辦。所種之地任由平毀。又據愛紳泰報稱。西月十七日。有夷官三名。帶領通事。乘坐大船。到城求見。執禮甚恭。據通事聲稱。該夷一名瑪克什莫幅。乃該王近侍之人。其二人俱是三巴夷官。該王因不哩斐岳幅回國稱述。安設夷居之處。地土豐富。俱有出產。差伊等前來黑龍江。松花江。左岸以至東岸。查看安置夷居一帶地方。伊等自該國啟程。直至海蘭泡。所過地方。悉心躋勘。並有出產稀

罕之物。當向查詢。未甫行止。該夷答以既差伊等來查。大約候等回國之際。不能令其前來。該署副都統。隨向之開導。以吉林民人公遞稟呈。因綏芬烏蘇哩。不與俄國連界。強被占居樓止。心甚不甘。若不早為撤回。眾怒難犯。勢必致傷和好。實與汝等無益。該通事轉述瑪克什莫幅之言。該國王已另派三品夷官伐什克勒雅呢。曉示居夷。安靜守法。不准滋事等語。旋即乘船下駛。又據愛紳奉報稱。六月初一日。夷目奇薩羅隔。帶領夷人七名。乘船下駛。便道至城求見。口稱前往烏蘇哩。該署副都統用言開導阻止。並曉以該處地方民居數萬。不容非往年可比。該夷目又

稱。仍赴時時各等情。先後呈報。查該夷變詐多端。耕作等事。一經理論。輒即允服。較之上年似相斂戰。至其所稱該國王派員往查木酋行事。並木酋暫不復來。暨奇薩羅幅不赴烏蘇哩等。均尚未可深信。於開江後。陸續共由上江下駛人船十餘次。計大小船二百餘隻。木筏三百餘串。並各船裝載木箱數十件至百餘件。口袋數百條至千餘條不等。六月初四五六等日。由上江下駛夷船四十四隻。木筏六十二串。賊號五十九隻。夷人一千零五十餘名。大小木箱一萬餘件。袋三萬餘條。卡員詢之。輒稱前往時時間各等處。搬移眷口。運送口糧等語。除隨時剴行該署副

都統嚴飭城鄉團防餘丁及各要隘卡倫。勤加操練。嚴密巡查。以防該夷說詐滋事外。並各行三姓等處。一體嚴防。硃批知道了。

諭軍機大臣等。持晉欽等。春夏夷情。並開江以後。過往人船數目。一摺。據稱夷人請禁換酒。未經允許。海蘭泡迤北地方。有夷人前往開墾。經委員往見該酋理論。業經將墾地之人喚回。查辦所種之地。平毀。夷酋瑪克什莫幅等來見。經愛紳泰。以綏芬烏蘇哩。夷人必應撤回之語。詳為開導。所辦均尚妥協。惟開江以後。下駛人船。為數不少。且載有木箱萬餘件。口袋三萬餘條。據稱係前往奇哈爾吞等處。搬移春口。運送口糧。語涉掩飾。難

於憑信。恐於畸喆間吞地方。亦有私鑿地畝情事。該處係暫借給俄夷居住之處。豈容開墾荒地為久安之計。且所借地方四至亦應查明。以免侵越。著特普欽等。派委妥員。前赴吉林一帶。嚴查該夷於畸喆間吞等處。占踞地面若干。有無私行開墾之事。並於松花江一帶各屯。密查該夷有無占踞開墾之處。務即據實奏聞。該署將軍。不得因曾任吉林副都統。與景瀄熟識。有開情面。稍涉徇隱。致負委任。再摺內所稱。愛紳秦乘機與約。並禁換一切貨物。藉以杜其接濟等語。係屬正辦。然前經屢降諭旨。令軍民斷其接濟。今該夷既裹糧前來。已可概見。特普欽尤當嚴禁軍民。不准私行交易。使該夷無利可圖。庶不能作長久。

之計。是為至要。

山東巡撫文煜奏。查濱海各口。設局抽收釐稅。經臣督帶
印委各員。設法整頓。六期日有起色。乃自三四月間。夷氛
不靖。鋪戶大半遷避。各海口殊少商船出入。前據總局委
員候補道呼震葉報各情。批飭照常查辦。不得藉詞鬆懈。
茲復據煙臺局委員署青州府知府董步雲具報。福山縣
煙臺口岸。尤為逼近。商賈裹足不前。局員在彼株守。徒多
煩費。且面見該夷情形詭詐。更慮反顧滋鬧。隨於五月十
四日。將稅釐局暫行撤回。姑俟事平再設等情前來。臣覆
覈無異。除檄飭照辦外。仍隨時嚴查。一俟夷兵退出。立即

循舊徵收。

諭軍機大臣等。據文煜奏。福山縣煙臺口岸。逼近夷氛。商賈裹足。稅釐局委員。在彼株守。徒多煩費。暫行撤回。俟事平再設。各等語。煙臺稅釐局。原係收海口商賈之稅。並抽釐金。現在雖係該夷盤踞。難保無貪利商人前往。私行貿易。若內地停止抽收稅釐。恐該夷得以暗中取利。且夷船已多退出。與前數月情形。亦有不同。著文煜嚴密查關。如該處尚有商人貿易。仍當抽收釐稅。以重課項。不得任聽該委員一面之詞。遽行撤回。

戊子。

欽差大臣科爾沁親王僧格林沁。直隸總督恆福奏。竊等。於本

月二十日酉刻。令佐領定安等執持照會。前往投遞。該員等二十一日卯刻。至該夷攔淺大船。面交夷目噶樂吩接收。該夷目噶令定安等。二十二日早六點鐘時。在北塘北岸。候取回信。該員如約而往。噶樂吩已在彼等候。並未持照會。令定安等同往大船。定安即令連喜回營稟報。定安同往北塘河內。該夷大船。夷酋額爾哈。伊國水師提督合姓。雖未明見其面。似已均在大船。言語之間。該夷深悔送給免戰白旗。但稱白旗係恐有傷中國馬隊。並非兩國說合歇息干戈。此外言語。無非誇耀現來船隻士卒礮火之多。並問海口官兵若干。礮位斤重。定安答以官兵二三千

名。大礮三四千斤。該夷因定安所答不實。亦不細問。催促上岸。問以照會。則稱有無尚在未定。如有。隨後送至北塘北岸。定安因該夷並無照覆。無憑銷差。向該夷索要收到字據。經噶喇哈窩給說帖一件。二十三四日。在北塘北岸守候二日。該夷並未送到照覆。該夷故意刁難。現擬候至二十六日。如無信息。再行照會該夷。並一併照會噶夷。看其如何答覆。等查該夷此番之來。大張旗鼓。如此聲勢。仍望其仿照咪夷之例。由北塘進京。議和換約。終恐該夷斷不肯為。狂悖已極。勢必大肆猖獗。致死於我。若我兵力不支。不堪設想。儻該夷一經敗退。復又揚帆而去。非洩憤

於他處。即報復於將來。兵連禍結。何有了期。如該夷所願。上年在上海照會內稱。須撤去大沽防具。兵船駛至津郡。八年之約。一字不改。另有要求。亦應飽其所欲。斷無如此辦法。今日之事。實無兩全之道。惟有仰賴我

皇上如大之福。該夷肯由北塘進京。則辦理易於為力也。至等
共辦一事。所有戰和機宜。無不和衷共濟。商酌辦理。才僧
格林沁奉

命督師。萬不敢稍有成見。致誤事機。戰和之權。操之在夷。業經詳細陳明在案。現惟設法引導。使該夷及早就撫。如該夷出村列隊。我兵僅可置之不理。仍遙為瞻望。加意巡邏。果係

深入。或抄襲大沽後路。或直撲津郡。節節上竄。萬不能不撥兵抵禦。仍將該夷驅逐回村。不必多有斬擒。以彰我國寬仁大德。使該夷知感知愧。謹將嚙喋吟與定安說帖。恭呈。

御覽。

僧格林沁等又奏。竊等二十四日。候至戌刻。未見該夷來言。當即奏報在案。二十五日丑刻。防禦連喜齋到。喚夷照會一件。查閱該夷情形。一味恃強挾制。誠如何桂清。薛煥所奏。非言語所能轉圜。若仍以柔和答覆。該夷輕視中國。已非一旦。勢必益長該夷驕悍之氣。其無理要挾。更將

無所底止。即使全行俯如所請。必將令我撤去大沽之防。一拂其意。仍不免決裂。至本年二月。嚙嚙嘶如何照會。軍機處如何答覆。等語。無案可稽。至此次該夷已經技遞照會。如何照覆。應否直斥其非。抑或按照該夷照會。悉如所請。伏候

訓示遵行。等語。揣度該夷如此聲勢而來。勢必決意用武。現惟督飭各營。加意嚴防。並嚴飭督帶馬隊各官。如該夷結隊出村。非深入撲擾。不得截擊。謹將該夷照會鈔錄恭呈

御覽。

僧格林沁等又奏。蒙古額爾喀陰險兇悍。異於常人。初則

占踞廣東省城。困辱大學士葉名琛。繼而逞兇於海口。要挾於天津。種種狂悖。殊堪髮指。此時因我萬分艱難。是以四國同時而來。又欲肆其兇悍。其意欲使我兵不敵。長驅直入。城下之盟。任所欲為。言念及此。令人憤不欲生。似此情形。恐難輕於轉圜。勢將戰勝而脅和。或我卑詞厚幣而求和。飽其所欲。可免兵戈之事。否則無論如何引導。恐難就無。若我防範嚴密。該夷無隙可乘。勢必他處滋擾。或占踞城池。或斷絕海道。使我百貨不能流通。甚至勾結粵捻各匪。同時水陸並進。使我萬分危急。然後快其心意。等。料爾爾嗟之為人。看此番之來勢。當必計不出此。然人事

不得不盡。岑等仍當設法竭力圖維。至於俄夷尤堪痛恨。八年結伴而來。肆意要求。上年甫經接仗以後。該夷即至海口。本年由京前往上海。勾引各國同時而至。近日北塘汎舟出村。據稱十五日係俄夷引路。占踞北塘。味夷聲稱十七日之戰。俄夷亦曾協助兵力。是該夷心懷叵測。已可概見。前據潘志和所供。雖不足信。然京師北面之防。不可不慎。現在俄夷船隻仍在北塘河外停泊。並無動靜。其意似有所待。前由軍機處由驛遞出俄羅斯氈包一箇。岑等暫存。尚未發給該夷。至嗾使二夷如有轉機。擇地會面之期。儻俄夷同來。應否准其會面答話。岑等未敢擅便。伏候

訓示

諭軍機大臣等。本日僧格林沁等奏。英夷接收照會。並未照覆。旋據奏稱。接得英夷照會。鈔錄呈覽。並俄夷同來。應否准其會面。各摺片。覽奏均悉。英首額爾吟。既遞照會。雖語言要挾。並非專意主戰。亦可概見。此次不必直斥其非。亦不必言上年接仗之事。致該夷無所轉回。但告以中國與爾國。並無必戰之心。額爾吟係八年原議和約之人。此時前來換約。與八年原約並無不合。如有應行面議之事。大皇帝現派有欽差在京面議。汝等即可定期。由北塘進京議定。為是。至本年二月。噶肯照會軍機處文書。及軍機處如何答覆。此處並不知悉。將來汝等到京後。自

可向欽差議論。如該酋取出噶酋照會文底。及軍機處照覆。與
臣福閣看。即告以此係噶噶斯一面之詞。況八年和約。係額爾
哈所議。今額爾哈到此。自應按八年和約辦理。噶酋之事。本處
既不知悉。更無須在本處提起。總須進京與欽差面議為妥。並
照會佛夷。令其一同援照味國之例。少帶從人。由北塘進京換
約。不必令喚首轉交。至俄夷播弄是非。勾結挑釁。最為可惡。此
時亦不必明言。並可照會味夷。詢其前次中國信函。曾否向俄
夷要回。俾該夷互相猜忌。至喚佛二酋。如願擇地會面。即或俄
夷同來。毋庸阻止。臣福不必向其答話。再前俄夷所寄禮包一
件。著即送去。並告知該夷現無應商之事。催令即行起碇。勿在

海口逗留。該大臣等辦理夷務。既能嚴密防範。又能設法羈縻。深合機宜。接奉此旨。諒必斟酌妥善也。

英咭喇照覆。

為照覆事。接據貴部堂於六月二十日發文內。以兩國如有應議之事。即願面會之說。本大臣閱悉。查凡有我國求妥各節。皆是我欽差大臣。晤於二月間。遵奉行文。照會軍機處。各大臣詳細知悉在案。今茲進兵之故。實因軍機處覆文。殊屬不妥。故此次我水陸二軍舉行。宜再申明。似此不能不有動兵之禍。雖本大臣亦以為可惜。而來文並無貴國改意必定盡約之語。本大臣何得各行水陸二軍中止。

總果有

大清欽差大臣實奉其權。要議行文前來。本大臣自宜細心查照。惟有一事。

貴國定必通曉。是前文內開求要各議。此本大臣毫不可改減。至

貴國所有欲與佛國會議通知之處。不便由本大臣轉致。應宜自行知照。大佛欽差大臣可也。為此照覆。須至照會者。已丑。

諭軍機大臣等。前據慶昫奏。外草地黑城子白城子地方。並無俄夷藏匿情形。當諭令該署都統隨時密查。現在俄夷船隻在

天津一帶海口停泊。張家口外。為俄夷往來熟徑。此時雖無俄夷藏匿。難保無內地漢奸。暗通消息。務當嚴密查拏。至元寶溝地方。該夷前既有緊要之語。應如何防備之處。著慶昫不動聲色。遴委明幹之員。密赴遠近一帶。時常查探。以便先事豫防。毋稍大意。

欽差大臣科爾沁親王僧格林沁。直隸總督恆福奏。本月二十六日巳刻。夷人出隊。約有萬餘名。分兩路來撲。一向新河。一向新河。迤北軍糧城道路。我馬隊官兵。不及二千名。仍分兩路迎敵。該夷礮車數十輛。繼之以火箭。一齊併發。馬匹驚惶。兼之連日大雨。遍地積水。僅有一線道路。馬隊不能

抄擊萬難支持。雖覺賊多名。究係眾寡不敵。現已退守唐
兒沽。查該處距大沽僅止八里。惟有一河之隔。計先後派
撥防兵二千名。並由大沽營壘撥往礮位。均交克興阿。又
檄發往唐兒沽濠牆。至該夷撲入新河村莊。旋即竟往唐
兒沽攻撲。我兵俟其逼近。槍礮齊施。該夷未敢前進。於酉
刻退回新河。努等惟恐該夷由軍糧城節節赴津。已飭西
凌阿派撥營城駐劄之吉林黑龍江察哈爾馬隊。會合大
沽南北兩岸馬隊。跟蹤追剿。天津雖兵勇數千名。均係步
隊。僅能防守濠牆。努僧格林沁業經飭飭增慶。將山海關
吉林黑龍江官兵一千三百名。交格綢額管帶飛速前往。

天津擇要駐劄以備截剿。

諭軍機大臣等。僧格林沁等奏。夷人分股攻撲新河。馬隊不能支持一摺。據稱二十六日。夷人出隊。馬步約有萬餘。分撲新河軍糧城。我軍因取寡不敵。現已退守唐兒沽等語。唐兒沽距大沽僅止八里。為大營後路。最關緊要。著即嚴飭克興阿等。扼守濠牆。不准稍有鬆懈。軍糧城為赴津之路。恐該夷一面牽制唐兒沽。一面由軍糧城上竄。必致我軍應接不暇。西凌阿防堵北塘一帶。是其專責。此次雖因取寡不敵。馬隊不能抄擊。究係該都統未能奮勇抵禦所致。西凌阿派撥吉林等處馬隊。必須設法迎頭截剿。將該夷擊回。僅再有貽誤。該都統豈能當此重咎。僧

格林沁現調山海關馬隊。前往天津駐劄。著即飛催前進。此時
夷人撲入新河村莊。其勢甚張。該大臣惟當鎮定軍心。妥為調
度。不可稍涉張皇。臣福辦理撫局。責無旁貸。不得因業經接仗。
遂置撫局於不問。著仍遵前旨。迅速照會該酋。設法轉圜。以顧
大局。是為至要。

盛京將軍玉明奏。竊。前因金州夷船大隊。駛去一百餘隻。
恐其赴津尋釁。飛咨天津大營。豫為準備。於本月十四日。
由驛奏報在案。十七日。承准軍機大臣密寄。六月十一日。
奉

上諭。夷人載馬北行。嚴密稽查。私買馬匹等因。欽此。著遵即通飭。

濱海各城。嚴禁居民。各將驛馬牲畜。立為收贖。以防夷人搶擄。如有奸民私行偷賣。嚴密查拏。茲奉

密諭。自應通飭各屬。一體欽遵辦理。正在繕摺具奏間。准金州副都統咨。據旗民地方官詳報。青泥窪。大孤山二處。停泊輪夷各船。自十一日以後。陸續出口者。又有三十二隻。俱由南洋駛去。現在大孤山。僅騰輪夷船八隻。岸上仍有帳房二百餘架。夷人二千餘名。馬一百餘匹等情。等查夷船大隊。半月以來。駛去一百三十餘隻。惟大孤山一處。留船八隻。岸上帳房人馬。亦未全行撤去。或故為逗留。藉以牽制我兵。情殊叵測。斷不敢因其船數無多。稍形疏懈。仍飭將

弁嚴密巡防。並由驛飛咨天津。

欽差大臣。鑒直隸督臣。知照戒備。

硃批。知道了。

辛卯。

欽差大臣。科爾沁親王。僧格林沁。直隸總督。恆福。奏。本月二十八日卯刻。該夷大隊先欲渡河。因我兵防守嚴密。隨向唐兒沽攻撲。槍礮連環相持兩時之久。該夷愈聚愈多。我兵傷亡甚重。餘俱退回。等登時將浮橋拉撤。令潰兵均歸北岸礮臺。現在南北兩岸。惟有竭力支持。能否扼守。實無把握。

京畿一帶。防守極關緊要。伏乞

皇上。迅派重兵。以資守衛。

硃諭。諭僧格林沁。握手言別。修逾半載。現在大沽兩岸。正在危急。諒汝有軍中。憂心如焚。倍切朕懷。惟天下根本。不在海口。實在京師。若稍有挫失。總須帶兵退守津郡。設法迎頭。自北而南。截剿。萬不可寄身命於礮臺。切要切要。以國家倚賴之身。與醜夷拼命。太不值矣。離營後。南北兩岸礮臺。須擇可靠之大員。代為防守。方為妥善。朕為汝思之。身為統帥。固難言擅自離營。今有硃筆特旨。並非自己畏蒞。有何顧忌。若執意不念天下大局。只了一身之計。殊屬有負朕心。握管不勝悽愴。諄諄特諭。汝其懍

連此硃諭著戴垣。端華。軍機大臣。公同閱看。附廷寄由六百里加緊發去。

諭軍機大臣等。本日據僧格林沁等奏。唐兒沽被賊占踞。大沽兩岸。危在旦夕一摺。據稱該夷大隊。於二十八日卯刻。先欲渡河。因我兵防守嚴密。隨向唐兒沽攻撲。我軍相持兩時。傷亡甚重。餘俱退回。現在拉撒浮橋。今潰兵均歸北岸礮臺。以圖扼守。各等語。唐兒沽既被占踞。夷勢自必益張。該大臣現以兵勇悉力抵禦。如果無可支撐。唯當設法酌撤。由該大臣等督帶。馳往天津。扼要守禦。以固京師門戶。至該大臣韜略素嫻。久為朕躬所倚。現在身膺重寄。惟當以大局為重。不可因目前小挫。致有憤

懋之心。總當妥為調度。鎮定自持。以期挽回補救。是為至要。該大臣所寄載垣等信函。業由軍機大臣呈覽矣。

又

諭。前日據僧格林沁奏稱。夷人占踞新河。恐由軍糧城直赴天津府城。業令西凌阿派撥營城駐劄之吉林黑龍江察哈爾馬隊會合大沽南北兩岸馬隊。跟蹤追剿。本日復據僧格林沁奏稱。夷人已由新河攻入唐兒沽地方。大沽礮臺萬分危急。是該夷專欲攻撲大沽。急應厚集兵力。著西凌阿即將營城駐劄之吉林等馬隊。刻即統帶。前赴大沽救援後路。與僧格林沁合力夾擊。以分賊勢。軍情緊急萬分。不得以派援津城為辭。遷延不進。

致羅國憲。

又

諭。本日據僧格林沁奏。唐兒沽被夷占踞。大沽危在旦夕。一摺。業由六百里加緊。諭知僧格林沁等。妥籌辦理矣。夷人既占唐兒沽。恐其分股徑撲天津郡城。天津為京師門戶。豈可稍有疏失。寬惠等。於一切布置防守事宜。諒已妥為豫備。著即趕緊選派明幹兵役。於唐兒沽赴津一帶地方。層層設探。並於濠牆內各處加意防守。如果夷勢狡獪。以大股悉力撲犯。寬惠等。即可派委幹員。告以大皇帝已欽派大員前來與爾國議事。即日可到。以期稍緩其勢。總宜固守津郡。毋得稍涉大意。是為至要。

又

諭。連日。疊據僧格林沁等奏。吳淞等處。占踞北塘村莊。其大股分
撲新河軍糧城。我軍接仗失利。本日據奏。唐兒沽亦被占踞。大
沽礮臺。萬分危急。現在夷氛猖獗。其或襲天津。或趨京師。均未
可定。亟宜厚集兵力。以嚴捍衛。而固畿疆。著托明阿。於原調馬
隊一千外。再行挑撥馬隊五百名。共一千五百名。成凱。德勒克
多爾濟。英桂。於太原綏遠歸化各城內。挑選駐防兵一千名。春
佑。挑選熱河兵五百名。譚廷襄。挑選陝西兵三千名。慶昫。於原
調馬隊一千外。再行挑選馬隊一千名。共二千名。文謙。挑選直
隸兵三千名。並文煜。將本年原調之山東兵三千名。恩承。將本

年原調之青德州兵五百名。玻崇武酌量於密雲調撥若干名。均須趕緊調派。一律精壯。配齊軍裝器械。大藥鉛丸。各派大員管帶。即日啟程。馳抵通州。聽候瑞麟調遣。該將軍等務須勿涉張皇。致令民情驚擾。並不可稍涉延緩。貽誤事機。

又

諭本日派大學士瑞麟統帶京旗各官兵五千名。於七月初一日啟程。前往通州。並尚書伊勒東阿所帶官兵四千名。共馬步隊官兵九千名。所有應領餉項。已諭令戶部先撥銀十萬兩。交順天府支應。即著張祥河董醇於通州安設糧臺。照例支放。並派委廉幹大員前往督辦。毋稍遲誤。

壬辰。

欽差大臣科爾沁親王僧格林沁。直隸總督恆福奏。本月二十八日。該夷數千。由新河直撲唐兒沽。鏖戰兩時之久。該夷見水。由葦塘抄入我隊之後。兵力不支。不得不退守後路。等當將潰兵收集。歸入北岸各營。並飭查首先潰敗官兵。以憑懲辦。現在馬隊官兵。分布大沽濠外。臨河扼守。以防偷渡。並由南岸營內。抽撥大小礮位。陳於河岸。惟東西二沽。係臨河村莊。曲灣不下十里。該夷避實就虛。亦屬防不勝防。等語。現駐南岸營內。樂善在北岸營內。已將兩岸營壘礮位。擇要安設。以防該夷攻撲。各營官兵。分股防守。人

心稍定。若能遏止該夷渡河。各營尚可支持。僅被該夷占踞大沽。非但人馬糧草不能接濟。即聲氣亦不能通。二十八日收隊以後。至二十九日申刻。該夷並無動靜。一十八日之戰。該夷礮車百餘輛。夷人五六百名。實係眾寡不敵。然亦斃賊無數。我兵每發一礮。該夷成行倒斃。餘賊不顧屍身。仍向前進。收隊以後。是日晚間。茅恆福給與哄嚇二夷照會。尚未接准照覆。第該夷初到。已極兇悍。決意用兵。現已占踞數村。其志更驕。恐非言語所能理論。自必仍向兩岸礮臺。很命攻撲。茅等惟有竭盡心力。設法嚴防。並飭派伊什旺布。蘇克津。管帶馬隊。劉軍糧城。以防該夷赴津。

之路。謹將努恆福給喚佛二夷照會鈔錄恭呈

御覽。再二十六日。新河接仗之時。該夷分股撲竄。經西凌阿派撥之營城兩岸馬隊接應。擒獲廣匪夷匪十餘名。一俟解到。等語。訊明分別辦理。

直隸總督恆福奏。竊思近日夷務情形。等節。次會同

欽差大臣親王僧格林沁。恭摺馳奏在案。本月二十八日收隊以後。該夷並未攻撲大沽。及兩岸礮臺。等語。揣料該夷必定添運火礮。多集夷兵。總欲占踞兩岸礮臺。而後已。海口一失。天津必不能保。

京城必致震動。是現在

京師之防萬分喫緊

欽差大臣親王僧格林沁。質性樸誠。忠節目勵。二十八九兩日。才
默察該大臣心意。與大沽礮臺共相存沒。而該夷之意。似
非由大沽海口進京。必難就範。竊思此事。上海既未能
議撫。遷延日久。夷勢已張。既至大沽。斷難措手。與其大沽
礮臺為該夷所踞。莫若先行撤防。以示

聖主寬大之意。查大沽營城馬步官兵。尚有萬餘名。若令
欽差大臣親王僧格林沁統帶保衛

京城。根本既固。則設法議撫。亦可變通轉圜。才非敢冒昧清
奏。實為天下安危所繫。不得不據實懇陳。

諭內閣。著派文倭。恆祺。前往北塘海口。伴送暎佛二國使臣。進京換約。

諭軍機大臣等。昨據僧格林沁等奏。唐兒沽被夷占踞。大沽兩岸危急。當由六百里加緊發去硃諭一道。今該大臣總當以大局為重。計本日已可接奉矣。茲據僧格林沁等奏。夷人占踞唐兒沽。並未出村撲擾。給與照會。亦尚未獲。並據恆福奏。密陳設法議撫之策各一摺。覽奏均悉。此時夷人既未出村撲擾。或係尚畏該大臣威名。不敢遽肆衝突。或另有詭謀。欲占踞兩岸礮臺。均難豫定。不可不嚴為防範。如該夷由北塘搬運大礮。即飭西凌阿迎頭截擊。勿令遂其奸計。仍著恆福。一面再行給與照會。

告以大皇帝因爾等遠來已特派文俊。臣。祺。由京前來北塘。伴
送爾等進京換約。以期永敦和好。該夷應允後。如肯由北塘行
走。固屬妥協。若必欲由大沽行走。即可由我更換小船。令該夷
乘坐。由大沽行走。知照文俊等。與之接晤後。一同進京換約。並
須與之約定。以後彼此不准再行用武。大沽之防。仍不可撤。如
該夷萬難理諭。仍以全力向兩岸礮臺攻撲。我軍抵禦。不甚得
手。僧格林沁務須遵奉硃諭。酌派大員防守礮臺。該大臣即抽
帶兵勇。迅保津郡。以固京師門戶。諒僧格林沁必能仰體朕心。
權宜辦理也。昨因軍情緊急。諭令瑞麟。於備調京兵一萬名內。
先撥五千名。於七月初一日。統帶前赴通州。伊勒東阿所帶京

兵四千名。仍駐劄河西務。歸瑞麟調遣。並諭令托明阿調西安馬隊一千五百名。成凱等調太原。綬遠歸化。各駐防兵一千名。春佑調熱河兵五百名。譚廷襄調陝西兵三千名。慶昫調馬隊二千名。文謙調直隸兵三千名。文煜調山東兵三千名。恩燾調青德州兵五百名。玻崇武酌調密雲兵若干名。均派大員統帶。剋日啟程赴通。至大沽礮臺後路。如屬空虛。著恆福於附近該處之直隸各營官兵。並上年所團天津所屬之靜海等縣練勇酌量調赴。以作大沽後路。庶分賊勢。毋致疏虞。是為至要。

又

諭。本日據僧格林沁等奏。二十八日卯刻。與夷人接仗後。至二十

九日申刻。夷人仍踞唐兒沽。並未出村尋釁。該大臣等將應設
職位等。妥為布置。人心較定。並由恆福給與哄嚇照會。告以大
皇帝業已派有大臣在京。等候該使臣等商辦。尚未接有該夷
照覆等語。現已將丈後。恆祺。前往北塘。伴送該使臣進京換約
之處。明降諭旨。該大臣等現在無論行抵何處。著即兼程前進。
儘該夷索看旨意。可即將本日明發諭旨給與閱看。接見以後。
是何情形。著即詳細馳奏。

又

諭。前經明降諭旨。派孫春榮為督辦順天直隸團練大臣。現在京
畿東南一帶。亟應興辦。從前粵匪竄擾天津。近京地方。如武清

等州縣均各辦有成效。備見民情好義。足以助兵力之不逮。所有各處團練成規。兵在自不難迅速舉行。著張祥河、董醇會同桑春榮。即飭近畿東南兩路各廳州縣。趕緊先行辦理。應如何團結訓練。以杜奸細之穴。以作同仇之志氣。務須悉心斟酌。俾臻妥善。其從前武清等處辦理章程。有可採擇之處。著與現議各章程參酌互用。並須於數日之內。一律舉行。不得稍涉延緩。至京畿西北兩路及直隸門省。俟東南各州縣辦有頭緒後。再行次第籌辦。

給喚咭喇佛喇西照會。

為再行照會事。本月二十八日。經本督部堂將欽奉

諭旨已經

欽派大臣在京等候貴大臣進京商辦等情。知照在案。旋據差官回稱貴營豎立白旗。有暫止干戈之意。足見貴大臣不失和好。欣慰良深。查八年所議條約。雖非本督部堂與貴大臣會議。但既仰蒙

大皇帝欽派大臣在京等候。貴大臣到京後。即可定議。惟兩國既敦和好。自宜永息干戈。本督部堂一俟接到大臣照覆後。即行派員前來聽候擇定日期。以便本督部堂與貴大臣相見。面商一切可也。須至照會者。

籌辦夷務始末卷之五十五